



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 44. Collatio secunda.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI.      Hac Lectione finita & Theodoro Si-  
 A. C. 553.      lentiario exire jussu, Fidei Professio, Vi-  
 p. 429.      gilio sexta Jan. ab Eutychio tradita, &  
                   Papæ Responsum lecta. Tum Concilium  
                   dixit: *Etsi Judices & ex Nobis aliqui  
                   sæpe Vigilium Papam hortati fuerint, ut  
                   in nostrum Conventum veniret, & simul  
                   omnes Quæstionem de tribus Capitulis de-  
                   finiremus, justum & rationi consenta-  
                   neum existimamus, si mittamus, qui eum  
                   bac etiam vice invitent.* Ergo rogante  
                   Concilio tres Patriarchæ Euty chius Con-  
                   stantinopolitanus, Apollinaris Alexandri-  
                   nus & Dominus Antiochenus, multi Me-  
                   tropolitæ aliique Episcopi numero octo-  
                   decim Papam adierunt. Inde ad Conci-  
                   lium reversi dixerunt: *Papa dixit; se  
                   modo invaletudine affectum nobis respon-  
                   dere non posse, & promisit, se crastina  
                   nos certiores redditurum, quid statuisset.*  
                   Hic primæ Collationis finis.

## §. XLIV.

*Collatio secunda.*

8. Maji.      Collatio secunda post quatrimum nem-  
                   pe 8. Maji celebrata. Actis Colla-  
                   tionis primæ recitatis, Patriarchæ cete-  
                   rique ad Papam ante dies quatuor missi  
                   dixerunt: *Juxta promissum, quod nobis  
                   dede-*

magnus quidem Imperator, sed major futurus,  
 nisi Theologus esse voluisset.

dederat *Vigilius Papa*, ante biduum in a-  
 des ejus nos contulimus, nempe sexta bu-  
 jus Mensis. Respondit; non posse se ad  
 Conventum nostrum accedere, quod Epis-  
 copi Orientis adsint plurimi, suorum ve-  
 ro pauci, sed sententiam suam in tabellas  
 relaturum, & Imperatori traditurum.  
 Diximus ei: scis, in litteris vicissim in-  
 ter nos datis & acceptis te promississe ven-  
 turum ad Conventum Episcoporum, qui  
 nostræ Communionis essent. Nos in tua  
 Communionem sumus, nec expedit, ob ab-  
 sentiam Episcoporum Occidentalium Rem  
 differre. In præcedentibus quatuor Con-  
 ciliis Occidentales nunquam magno nume-  
 ro adfuere, sed solum duo tresve Episcopi  
 & aliquot Clerici. Hodie Tu præsens  
 es, & multi alii Italiæ Episcopi. Ad-  
 sunt quoque aliqui ex Africa & Illyrico.  
 Nihil obstat, quo minus congregemur, &  
 in Charitate totam causam finiamus. Si  
 venire nolueris, tamen conveniemus; nam  
 æquum non est, ut longiore dilatione Im-  
 peratori, & Populo fidei scandali occasio-  
 nem præbeamus. Addidimus, nos omnia  
 ad Imperatorem delaturos. Detulimus,  
 promissitque Imperator, missurum se ad  
 Papam Viros Magistratu eminentes, &  
 Episcopos, qui iterum urgerent, ut ve-  
 niat.

Aderant quoque Magistratus, scilicet,  
 Liberius, Petrus, Patricius, & Constan-  
 tinus

Sæculum VI.  
 A. C. 553.

P. 430.

8. Maji.

Sæculum VI. A.C. 553. p. 431.

tinus. Hic, cum Quæstor esset, omnium  
 Nomine dixit: *Prima Die hujus Mensis,*  
*accepto ab Imperatore mandato, Vigilium*  
*Papam adivimus cum Patriciis Bellisario,*  
*Cetbego, & Rustico. Rursus ipsum adi-*  
*vimus septima hujus Mensis cum Theodo-*  
*ro Cæsariensi, Benigno Heracleensi aliis-*  
*que Episcopis. Hos duodecim numero*  
*nominat. Quoties Papam adivimus, to-*  
*ties nomine Imperatoris diximus; omni-*  
*bus esse libertatem ad Concilium veniendi,*  
*eosque, qui tria Capitula defendere vel-*  
*lent, id omni metu vacuos facere posse.*  
*Post plures alios sermones petiit sibi con-*  
*cedi moram, qua ipse solus Responsum da-*  
*ret. Diximus: Solus tria Capitula da-*  
*tis litteris & viva voce sæpius damnasti;*  
*sed vult Imperator, ut hac de re cum aliis*  
*consilia communices. Ad moram quod*  
*attinet, jam tibi Imperatoris jussu di-*  
*ctum, si promittas ad Concilium venire,*  
*moram tibi quantam cupis, & etiam lon-*  
*giorem concessurum. Si autem Senten-*  
*tiam tuam separatim tradere velis, oportet*  
*etiam, ut Episcopi, ob istam Causam*  
*vocati, & tam longo tempore hic commo-*  
*rati, Sententiam suam Synodalem pro-*  
*nuncient. Diutius ferre non possumus*  
*Ecclesiam perturbari, & illud præprimis*  
*tollendum est scandalum, quod Hæretici*  
*Episcopos calumniantur, & turpem Ne-*  
*storiana Hæresis Notam aspergant. Epis-*  
 copi

432.

copi quoque ad Papam missi, quid egissent retulerunt, nempe aliud nihil, quam quod dixerant Magistratus. Hi Concilio exierunt, postquam Episcopos fuissent hortati, ut brevi hanc causam secundum doctrinam quatuor Conciliorum deciderent.

Patres deinde delegatis Episcopis tribus & totidem Presbyteris, Primasium Episcopum Adrumetinum Provinciae Byzacenae, & Episcopos tres ex Illyrico Sabinianum, Projectum & Paulum invitarunt, ut ad Concilium venirent. Primasius respondit: *Non ibo, nisi Papa adfuerit.* Tres Episcopi ex Illyrico edixerunt; non posse se alteri cuiquam respondere nisi Archiepiscopo suo Benenato, cujus Sententiae essent accessuri. Tum Concilium dixit: *De Primasio suo tempore secundum Canones decernetur. Tres vero Episcopi Illyrici, ut petierunt, jungent suffragia sua Benenato, qui nobis consentit; id enim apparet ex eo, quod Episcopus Phocas Suffraganeus & Vicarius ipsius in Concilio praesens sit. Ceterum, ne adhuc amplius cunctemur Imperatori Responsum dare, cras, quod justum est, faciemus.*

## §. XLV.

*Collatio tertia & quarta.*

Itaque die sequente Nona Maji ad tertiam

9. Maji.